

Ekonomi rakyat makin teruk jika tiada langkah drastik

KUALA LUMPUR 26 Mei - Keadaan ekonomi semasa yang menyebabkan situasi kewangan rakyat semakin tertekan, ditambah dengan kos sara hidup yang meningkat dan pertumbuhan gaji yang rendah dijangka berlarutan selagi langkah pemulihian ekonomi yang drastik tidak diambil oleh kerajaan.

Pengurus Pembangunan Perniagaan Putra Business School (PBS), Prof. Madya Dr. Ahmed Razman Abdul Latiff berkata, apabila ekonomi jatuh, akan memberi tekanan yang lebih hebat kepada isi rumah kerana ruang untuk gaji naik tidak wujud manakala harga barang pula semakin meningkat.

"Isi rumah di Malaysia sudah

mempunyai hutang tertinggi di Asia Tenggara dan jumlah hutang mereka adalah 83 peratus daripada Keluaran Dalam Negara Kasar (KDNK). Oleh itu penting untuk memahami punca mengapa keerosotan kewangan ini berlaku.

"Antaranya adalah hutang isi rumah itu sendiri, kerana apabila rakyat berbelanja melebihi kemampuan, mereka akan terbebani dengan hutang dan faedah yang dikenakan," katanya ketika dihubungi *Utusan Malaysia* di sini hari ini.

Beliau mengulas satu kaji selidik yang dijalankan UCSI Poll Research Centre mengenai indeks sentimen pengguna baru-baru ini yang mendapati 16.2 peratus responden memberitahu

bahawa aspek kewangan mereka menjadi semakin buruk sejak 12 bulan lepas.

Tambah Ahmed Razman, selain itu, di peringkat makro, lambakan kredit yang tidak terkawal apabila bank komersial memberi pinjaman menyebabkan permintaan melebihi penawaran, sekali gus meningkatkan harga barang dan perkhidmatan.

"Syarikat-syarikat yang mendapatkan kredit (hutang) tersebut terpaksa pula mengawal kos supaya cukup dana untuk membayar komitmen hutang berserta faedahnya. Kos yang dikawal ter-

masuklah tidak menaikkan gaji pekerja atau menawarkan gaji yang rendah.

"Selain mengawal kos, syarikat-syarikat ini juga akan menaikkan harga barang dan perkhidmatan supaya memperoleh pendapatan tambahan untuk memba-

yar komitmen hutang tersebut. Penyelesaian kepada masalah ini ialah dengan memberi alternatif pembiayaan kepada syarikat-syarikat ini dalam bentuk perkongsian ekuiti atau pembiayaan awam," katanya.

Sementara itu, Profesor Kanan

di Fakulti Ekonomi dan Perniagaan Universiti Malaysia Sarawak (Unimas), Prof. Dr. Shazali Abu Mansor berkata, pengurangan pendapatan diikuti dengan peningkatan kos sememangnya sukar untuk dibendung kerana pasaran sistem pasaran bebas yang diamalkan.

"Adalah sukar untuk membendung masalah ini selagi penduduk di luar bandar masih berhijrah ke bandar untuk mencari pekerjaan.

"Hanya penyelesaian pembangunan jangka panjang yang dapat mengurangkan masalah ini. Dengan membangunkan wilayah perindustrian baharu dan pembangunan untuk mengelakkan penghijrahan secara besar-besaran," katanya.



AHMED RAZMAN
ABDUL LATIFF